

## Předślowo k 3. wudawkej.

Hdyž bě před někotrymi lětami druhi nakład našeho „**Towařšneho Spěwnika**“ wot knj. sem. wyš. wuč. K. A. Fiedlerja wudawaneho rozebrany a rozpředany a dokelž naši lubi Serbja přeco z nowa za nim žadachu, rozsudži so předsydstwo Maćicy Serbskeje skónčnje za nowe wudaće. To pak njebě tak lohka wěc, wo čimž Maćične zapiski swědča. Naše serbske towařstwa a mnozy wěcywustojni přejachu sebi, zo bychmy wšelake nowe spěwy přijeli a tón a tamny dotalny lědma hdy a hdže spěwany wuwostajili atd. Tuž wuzwoli Maćične předsydstwo wudawařski wubjerk, ke kotremuž přislušachu kk. njeboh kantor Keřk w Bukcach, kantor Symank w Baćonju a podpisany. Tutón wubjerk je mjez sobu a ze wšitkimi znatymi serbskimi hudźbnikami ertnje a pisomnje wuradźował a potom swój naćisk dotalnemu wudawaćelej, knj. sem. wyš. wuč. Fiedlerjej w Budyšinje wote dał, kotryž měješe namjety pruhować. Dokelž pak wón mnoheho drugeho džěla dla sam nowy wudawk spěwnika wjacy wobstarać njemóžeše, pósła předsydstwo Maćicy Serbskeje naš rukopis do Freiberga knjezej studijnemu radzićelej konrektorej prof. dr. E. Mucy, zo by wosebje tekst nadrobno přehladał a po svojich zazadach zwuporjedzał abo tež přeměnił.

Z nalěćom 1913 so dypki stajeć počachu. Konrekturu teksta kk. farař Křižan w Hodźiju, monsignore senior Skala w Budyšinje a stud. radž. konr. dr. Muka w Freibergu wobstarowachu, dypki pak přehladowach a porjedžach ja sam. Poslednje listno ćitam džensa tu w Ruskej, wot swojeho knjeza a krala sem pósłany, na drózy do Waršawy z mjećom a třělbu po boku, wosrjedž bitwišća,